



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij  
in Regno Sicil. Consultoris, Practicæ Resolutiones  
Lectissimorum Casuum**

**Diana, Antonino**

**Antverpiæ, 1645**

Scandalum.

**urn:nbn:de:hbz:466:1-41753**

Eucharistiæ. *part. 6. tract. 6. ref. 53.*

7 Qui indignè administravit Sacramentum, non debet in confessione explicare quale illud fuerit; quia violatur in omnibus eadem virtus religionis.

*p. 5. tract. 14. ref. 56.*

8 Omnia Sacramenta si cum obice suscipiantur, reuiuiscunt postea illo sublato. Caieran. & Cabrer. *p. 3. tract. 4. resol. 15.*

9 Qui inualidè administravit Baptismum, vel Ordinem Sacerdotalem, aut Episcopalem, tenetur etiam cum periculo famæ, vel vitæ defectum illum manifestare, propter maximum detrimentum spiritale fidelium quod inde sequeretur. *p. 5. tr. 13. ref. 55.*

### Scandalum.

1 Scandalum est actus minus rectus præbens proximo occasionem ruinæ, etsi hæc non intendatur, modò fiat aliquid quod saltem speciem peccati habeat, quo creditur alius ad peccatum inducendus, quod etiam in confessione distinctè est explicandum. (Hurtad. & alij 3.) imò teneris, & numerum illarum personarum, & spe-

ciem peccatorum explicare. Filliæ. & alij 3. etsi hoc neget Lugo eò quòd quãdo non intenditur ruina proximi, solum sit malitia scandali contra caritatem. p. 1. tr. 7. ref. 1. 2. & 3. & p. 6. tr. 6. ref. 33.

2 Nullum præceptum siue affirmatiuum siue negatiuum omitti debet propter scandalum, quod aliàs sine peccato omitti non posset. Vasq. & alij 4. Contrarium tamen est probabile quoad præcepta positiva, ex quorum omissione nullum damnum sequitur proximo. (Suar. & alij 6.) vnde & mulier potest exire ad audiendum Sacrum, quamuis sciat se lasciue ab aliquo concupiscendam. Granad. & alij 3 p. 5. tr. 7. ref. 21. & 22.

3 Ab operibus consilij, vt ingressu religionis, ad tempus abstinendum est ob scandalum ex infirmitate: vt si aliqui uã auctoritate, & præsentia contineantur à peccatis, in quæ aliàs essent facile lapsuri. Valent. & alij. *ibid.* ref. 23.

4 Propter scandalum non sunt dimittenda bona tẽporalia alicuius momenti: Imò Prælati Ecclesiastici non possunt omittere ea quæ ad bona Ecclesiæ cõseruanda, vel acquirenda necessaria sunt. Suarez & alij. *ibid.* ref. 24.

5 Femina ornans se more patrio, etiam si sciat fore, ut ex hoc ornatu lasciuè ab aliquo ametur, non peccat mortaliter: utitur enim iure suo, neque est causa illius scandali, nisi per accidens. Sanchez & alij. quod verum est quamuis id faceret cum peccato veniali inanis ostentationis. Et idem dicendum est si choreas ducat. Quod si aliquem in particulari sciret inde sumpturum occasionem ruinæ, tunc deberet abstinere si commodè potest; ut non potest si quis illam inuitet cui sine notâ, vel offensione negare non possit. Item si alius non ex malitiâ peccabit, sed ex infirmitate, vel passione: quod si id diu dureret, non est passio, sed malitiâ. Hurtad. & alij. p. 2. tract. 15. ref. 30. & p. 5. tr. 7. ref. 31. & 25.

6 Si femina utatur veste virili, vel contra sine iustâ causâ, solû ex leuitate, & absit tum scandalum, tum intentio, periculumque libidinis, tantum erit veniale: aliàs erit mortale. Syluius p. 5. tr. 7. ref. 32.

7 Potest vinum vendi tabernariis qui sciuntur illud aquâ mixtû iterum vendere: sed non liceret tunc illis tradere tuo nomine vendendum, nisi ex non-

L l s.

ven-

venditione graue damnum patereris.  
Meroll. *ibid.* ref. 39.

8 Potest sine peccato suaderi minus malum etiam de quo alter non cogitabat: vt si dissuadens alteri adulterium nihil possit obtinere, ideoque proponat ei fornicationem ad explendam libidinem, quam aliter dissuadere non potest: Imò volenti furari à paupere posses suadere vt potiùs furetur à diuite, etsi personam determinares. Vasq. & alij 2. *ibid.* ref. 18. & 19.

9 Qui obiicit alicui occasionem peccandi ob bonum finem, non peccat: v.g. cùm maritus offert vxori occasionem adulterandi, vt illam in adulterio deprehendat: vel cùm dominus dat famulis occasionem furandi, vt in furto deprehensi respiscant: quia id non est formaliter cooperari ad peccatum; sed potiùs illud velle impedire. Layman & alij 2. p. 3. tr. 5. ref. 28.

### Secretum.

Secreta Principum, vel exercitus, vnde bonum Reipub. vel exercitus dependet, reuelare non licet, etiam ad euitanda tormenta vel mortem; nam  
bonum